

مکرمات

ادبی و سیاسی رسالہ اسبوعیہ در


۳۰ نجی سنہ



۸ شعبان المعظم ۱۳۲۹

یخشنبہ

جزو عدد : ۱۰۷



غرائب مدینه دن

« معقول و نامعقول اولسون آبا و اجداد من طرفدن دوشونلماش بریشی دوشنه چک کیمدر؟ »

« فاضل » کؤ برنجی قسمنده (مفیستوفل) طرفدن سویلنیلان بوسوزلرده کی حقیقی صورت جدیدده انکار ایدم بیله چک بر فرد بولنه میه چنی گی . ازمنه قدیمه دن مستعار و مؤول اولان افکار حاضره و متأخره مک جهندن غیر قابل اعتراض برشی وجوده کلدیکنی اثباته قالدیشمق دخی (بایقوشلری آتیه نقل اتمک) قیلندن اولور ، بزم بوراده تجربه اتمک ایستدیکمز شی ، بر از بشقه و یک بسیطدر ؛ فقط یک آرم معروفدر : بر علی العاده زمانه زک محصولات و مخترعاتدن عد ایلدیکمز و بوندن طولانی ده ، حتی ایجه مقخر بولندیغز اختراعات و کشفیات ایله مستحصلات فیه و ترتیبات سارنده دن قسم اعظمه مک اولدجه شایان حیرت و حرمت بر قدمه مالک بولغش اولدقلربی اراده اتمک ایسته یورز . بوندن بشقه اصلا مأمول اتمدیکمز بر طاقم شیلره ده مصادف اوله جغز . بونلری بر صرمیه - ترتیه رعایت اتمکمزین - قید ایدم چکز :

قدس قرالی هیکیس طرفدن یدنجی عصر میلادیده انشا ایتدی یلان تونل ائک اسکی تونل اولمق اوزره معلوم بولمقددر . الحاقه هده موجود اولان بوتونل هرابکی طرفدن بدأ ایدمک اوزره بر صخره مک اویولمس بیله وجودپذیر اولمشدر . تونل هر نه قدر مستقیم استقامتی محافظه ایدم مامش ایسه ده ۳۳۵ متره بر هوا یولنه بدل ۵۳۵ متره بر طوله بالغ اولمشدر . فقط افقیت نقطه نظرندن شایان حیرت بر صحتی احراز ایلشددر ، چونکه هیئت مجموعه سنده کی تفاضل ارتفاع یالکز ۳۰

سائیمتره دن عبارتدر . هرایکی طرفدن اوین طاشجیلر هان تمامی تمامه وسطنده یکدیگره ملاقی اولمشلردر .

§

دمیر رایلر فرش ایتمک مسئلهسی بزه نه قدر یکی کورینورسه کورونسون اصلا اوله دکلدر . زمانزده خاصه شمدوفر و تراموای خطلرینه منحصر بولان رایلر زمان قدیمده مرجحاً اڭ زیاده ایشلک جاده لره فرش ایدلمشدر . رایلر جاده لرده کشاد اولنان اولوقلرک درونلرینه وضع ایدیلرلر ایدی . مثلاً آتیه نك قبولرنده ، پیره دن طوغریدن طوغرییه (آغورایه) کیدن یول اوزرنده و حتی (دوفینه) آلب داخلنده رومالیرک آلب جاده سنده دخی هنوز ایزلری لایقيله فرق و تمیز ایديله یلکده در . بوکچی یوللر — برسیاحک افاده سنه نظر آ — (حوران اده ده موجود ایمش . طاشلق اراضیده او یوله رق قونیان بورایلر ایله بزم شمدیکی رایلر بیننده کی مشابتهی برخط اوزرنده ایشله یان ایکی عربنه کجه ییلسی ایچون بیوک برفاصله ایله ترتیب ایدیلان مقاصلر اکمال ایتمکده در . خط کنیشلکی ، یونانستانده و یونک نفوذ و تأثیری آلتنده بولان ممالکک کافه سننده یکدیگره مساوی ایدی . رومالیرک آناری اولوب فرانسه ده کشف ایدیلان جاده لرده ، رایلر ایچون قطع و کشاد ایدیلان اولوقلرک یکدیگرندن اولان آجیققلری ۱۴۴ متره دن عبارت ایدی که تقریباً زمانزده استمال ایدیلان کنیش خطلرک آجیققلی قدردر .

§

سحار جیوغی ایله ویا آنسر اوله رق منبع نحری ایدنلر زمان قدیمده ، حتی اصناف هیئتنده اوله رق موجود ایدی . ایجابنده هان تنقیب عملیاتی اجرا ایتدیرمک ایچیله جک صوتدارک ایتمک ایچون بونلردن بعضیلری ، حتی اردولره رفاقت ایدرلردی . جزایرده بو قویولرک پک چوق ایزلری بولنه رق فرانسزلر طرفندن تعمیر ایتدیرلمشلردر . او قویولر سایه سننده چوللرک اوته سننده بریسنده واحلر پیدا اولمش ایسه ده بیکلرجه سنه لرک مروری ایله قویولرک خرابندن ناشی آتشیبن قوملرک تحت تأثیرنده بشکرار نهان اولمشلردر . آفریقا چوللرنده غیر مساعدزمین

اوزرنده رومالیرك ۲۰۰ متره قدر درین قوبولر حفر ایلدکلری مثبتدر .
 بونکله برابر تحت الارض صو طمرلرینی شلرلی و تشقیب عملیات اجرایی ایچون
 وسائط فیه مالک بولکلری بزم ایچون بسیتون بر ممایکی قالمقدهدر . یکی زمانلرده
 منبع بولقله مشهور فرانسز راهلرندن (پارامل) بو خصوصده اذ زیاده مظهر موفقیات
 اولاندردنر . راهب مومی الیه تجارب واقعسنی « منبع کشف ایتک صنعتی » اسمنده
 بر کتاب ایله نشر ایلشددر . ۶۴ سنهك عمری اشناسنده ۱۰۲۸۵ عدد منبع
 محلی کشف و ارانه ایلش و بوندن ۹۰۰۰ عددی موفقیته اجرا ایلمشدر .

§

سرعت سیاحتك زمان قدیمده بك آز اولدینی معلومات آتیدن مستبان
 اولور : (آنتیو خیا) دن استانبوله قدر ۱۵۰ میل جغرافی اولان مسافه آلتی کونده
 قطع ایلشددر که کونده ۹۰ کیلو متره دیمکدر . قیصر ، رومادن رونیه قدر اولان
 مسافهینی بسیتون تمام اولیهرق سکز کونده قطع ایلشدکه کونده ۱۵۰ کیلو متره
 دیمکدر . مسافهك بیوکلی نظر مطالعه به آله حق اولورسه بحق بك سریع دینه
 بیلیر . (ماقسیمین) ك قتل ایلدیکی خبرینی همان درت کونده آ کیلیدان Aquilja
 رومایه — بالطبع حیوانلری تبدیل ایتک شرطیله — کترین ساعینك سرعت حرکتی
 حقیقه شایان حیرتدر . اصغری اولهرق کونده ۲۰۰ کیلو متره قطع ایلشددر که
 بی شبهه هر سوارینك متحیرانه بیوک دیه تقدیر ایده چکی بر فعالتدر . قیصر ك مکافات
 قازانق اوزره بزم سواریمزك — واقعا بر بار کیرایله — وسطی اولهرق قطع ایلدیکی
 سرعت فائق بولمقدهدر . حتی ، محتمل اولدینی اوزره ، مذکور مسافهینی عربایله
 قطع ایتش اولسه بیله زمان حاضر ك اذ عالی اسپورت مسابقهسته موفقیتهکارانه
 رقابت ایدم بیلیر . زیرا ۱۹۰۸ سنهسی صیفنده تقریباً ۵۰۰ کیلو متره دن عبارت
 اولان برلین ایله مونیخ آرمسندمکی مسافهینی قطع ایچون اجرا ایدیلان عربه
 مسابقه سنده درت کون صرف اولمشدر که بول واحد قیاسیسنه بالنسبه دهها زیاده
 زمان صرف ایلمشدر .

§



شناسی

غازياغی ايله تمخين

ميلاد عيسى دن ۴۰۰ سنه مقدم غازك لوازم تمخينه اوله رق استعمال ايدلديكي يك چوق كيمسهره معلوم اولمسه كر كدر . (قته زباس) ك روایتنه نظرأ (قارامان اده زميندن ترشح ايدن پترول لوازم تمخينه اوله رق خانه لرده استعمال ايدلمشدر .

سكسان سنه مقدم مهندس نایل سون يوكسك فرونلره مخصوص اولمق اوزره صیحاق هوا كورو كك امتیازینی آلمشدر . حال بوكه جنوبی فلسطینده (تل الحزای) موقعنده وقوع بولان حفرياتده برشی بولنمشدر كه آ كا نظرأ شرقی لرك بواصوله ميلاد عيسى دن ۱۴۰۰ سنه مقدم واقف بولنمش اولدقلىرینه شبهه بر اقیسور . دمیر احضارینه مخصوص اولان بر يوكسك فرونده بر ترتیب بولنمشدر كه بو ، هواي خارجیی فرونه سوق ایتمه دن اول تمخين ایتمه كة خادم بولنمقده در .

§

دها ۱۸۲۹ سنه سی فرانسیز (قوینو) قاز . اوردك . طاووق بمورطه لرندن صنعی اوله رق چيو چيو جيقارمغه موفق اوله مدينی حالده بواصول اسكي مصريلرك معلومی ایدی . شویله كه زمین ایچنده طوغله دن ترتیب ایدیلان و بالچیق ايله صبو انان فرون هر کون ۳ : ۴ ساعت تمخين ایدیلوردی . بمورطه لر صمان صابی اوزرینه موضوع اولدینی حالده هر آلتی ساعتده وضعی لری چویریله رك تبدیل ایدیلوردی . اون کون صكره بمورطه لر معاينه ایدیله رك ایی بولسانلری مذکور فرونك دها زیاده صیحاق اولان بر قسمته وضع اولنور ایدی . درجه حرارت بالطبع حسیاته نظرأ تخمین و لزومی حالده هوا بوریلری آچیله رق قلیل ایدیلور ایدی .

§

آلمانیا ده پومرانیا ایالتك بر شهرنده اوجی دمیرسز نردبان استمالی ممنوعدر . ۱۹۰۹ سنه سی بر کیم . بر خیرسز بر جفتلکی زیارت ایدر و خانه نك داخلنه کیرمك ایچون حولیده بولسان بر نردبانی استمال ایلر . نردبان قایه رق سارق آشاغی به سقوط ایدر و قاپچمسی قیریلور . دمیرسز نردبان استمالك ممنوعیتی خیرسزك

امدادینه پیشیر . چفتلك صاحبی خیرسز افندیك تداويسنه متعلق بالجله مصارفی تأدیهدن بشقه کندیسنه مهم بر مبلغ تضمینات اعطاسنده محکوم ایدیلور . چونکه دمیرسز نردبان استعمالی عادتا قانونه مخالفتدن عبارتدر .

§

بالاده کی وقعه نك لطیف بر نظیره سی ده شویله در : (شیلزوبق هولشتاین) کویلدن برنده بریانغین واقع اولور . بش انسانك حیاتی تهلکده قالیر . عمله دن بری کندی حیاتی تهلکده القا ایدرك آنلری تخلیص ایدر . فقط کندیسده اوزون بر مدت چالیشه میه حق برحاله دوچار اولور . کندیسنه معاونت ایدلسی ضمنتده بلدییه واقع اولان مراجعتی - تخلیصی خصوصی امرسز اوله رق اجرا ایدلیدیکی جهته - رد ایدیلور .

§

خدایی نابت یتشانلردن (فلیب رایسی له) نك اثر اختراعی اولان تلفوندن واقعا كرك آثار فیه ده . كركسه عامیه مخصوص اولان کتابلرده بحث ایدلشدر . فقط بونلر تلفونك تدیجاً بسبتون نسیان ایدلسنه مانع اوله مامشدر . هم ده اول وجهله نسیان ایدلشدر كه (باویه را) انجمن قنونه عائد تاریخ قومیسونيك معاوتی ایله قارل فرامارش طرفندن ۱۸۷۲ سنه سی مونیخده نشر اولنان « تاریخ علوم » کتابنده نه مخترع (رایسی له) اسمی ، نه ده تلفون تعبیری مندرج بولمخده در . مؤخر آلتی اصلاح ایدن (ایفرا هام بل) شرف ایجاد کی کندینه اسناد ایدلیدیکی زمان آلمانیهاده مخترع اصلیمی مخطر ایدلشدر .

§

توماس غره ی نام ذات دمیر بولی پلانی ترتیب ایدلیدیکی زمان ادیمبورغ غره ته سی مومی الیه دلی کوملکی کیدیرلمسنی اهالی به توصیه ایلشدر .

§

لوندرد شهرينك غاز ایله تنوری تکلیف ایدلیدیکی زمان ، سپیر هومفری داوی کی بر بیوك عالم بوکا قارشی قهقهه لری صالور مشدر .

§

هیئت شناس مشهور (آراغوا) تلغراف الکتریقی پروژه سنک موقع مذاکره و مباحثه وضعی تکلیف ایلدیکی زمان فرانسه انجمن معارفی مشار الیه ایله استهزا ایلشدر .

§

مشهور (استفانسون) لیورپول - مانچستر خطی اوزرنده لوقوموتیف استعمالی تکلیف ایلدیکی زمان علمای مملکت ساعتده ۱۲ انگلیز میلی قطع ایده میه جگنی ادعایه قالیقشدیلر . دیگر بر جمعیت علما ایسه برکون کلوب بخارلی کیلرک بحر محیط آطلاسیده حرکت ایده بیله جکلرینک امکانزلفه حکم ایلدیلر .

§

جاده لرک غازایله تنویر ایدلمسی تقرر ایلدیکی صرملرده قولونیسا غزیه سی ۱۸۲۸ سنه سی نیشان ۲۳ تاریخلی نسخه سنده ، اسباب دینه دن طولانی مخالفتده بولنه رق شویله یازمشدر : « جناب حق طرفدن مظلم یارادیلان کیجه نک تنویر ایدلمسی قطعاً جائز دکلدیر . »

§

هانوره دارالفنوننی پروفیسورلرندن اولوب، مکتب مزبورک مؤخرأ مدیری اولان (ویلهلم لاونهارد) بک شهرتلی بر مهندس و محرر متخصص اولدینی حالده شاگردلرینه اوتوموبیل اختراع ایتک کی یهوده فکرلرله اشتغال ایتاملرینی توصیه ایلشدر .

§

(مابعدی کله جک نسخه ده)

